



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Symmvla Caietani

Cajetan, Thomas

Antverpiae, 1575

Sacrilegij crimen tripliciter consideratur.

**urn:nbn:de:hbz:466:1-41716**

tae tutelae, & quantum ad factum & quantum ad animum deliberatum, passiones namque nisi ad deliberatum consensum vindictae inducant, veniales sunt: & similiter modicus excessus moderatae tutelae venialis est.

*Sacrilgij crimen tripliciter consideratur.*

**S**acrilgium peccatum est mortale ex suo genere: quia violationem, hoc est irreuerentiam seu iniuriam rei sacrae ponit. Est autem triplex sacrilgij species. Vna, qua fit iniuria personae sacrae ut sic. ut si clericus percutiatur, aut à seculari iudice puniatur: si contra votum personale (puta castitatis vel abstinentiae) peccetur: & sic de similibus. Alia, qua fit iniuria loco sacro: ut si de loco sacro extrahatur ibi saluus, aut inde furto vel rapina res accipiatur, aut sanguine vel semine humano voluntario locus sacer violetur.

Tertia species est qua fit iniuria rebus sacris seu dicatis Deo: ita quod non solum iniuria quae fit sacramentis & vasis sacris & reliquiis sanctorum ac imaginibus eorum, sed etiam quae fit rebus Ecclesiae mobilibus vel immobilibus, quia Deo dicatae sunt, dum ad usum ministrorum Dei mancipatae sunt, sacrilgium committitur. Et si vis cognoscere quando proprie committitur sacrilgium in omnibus eius speciebus, considera ad quid persona, locus, vel res sanctificata est & vide si contra illud ad quod sanctificata dicitur actum est. Verbi gratia: ager Ecclesiae est sanctificatus quò ad hoc quòd est exemptus à secularibus oneribus & iurisdictionibus. Committitur ergo sacrilgium si grauetur seculari auctoritate &c. non autem si quis ibi fornicetur: quia non est ab hoc exemptus per hoc quòd est Ecclesiae, & similiter sacrilgium est si quis in loco sacro fornicetur, non autem si quis ibi detrahatur.

detrahat: quia loci sanctitas est ad exemptionem ab effusione seminis humani, non autem à detractione. Similiter sacrilegium est si sacerdos fornicetur: quia sanctificatus est ad castitatem, non autem, si blasphemet: quia non est ad eius oppositum directè sanctificatus, & sic de similibus. Ex his nanque habes unde potes discernere quæ sint sacrilegia ab his quæ non sunt sacrilegia, etiam si sint peiora sacrilegio.

*Ars vel officium sagittarij an & quando sit illicita.*

Sagittarij ars seu officium, quamvis secundum se non minus liceat quàm aliorum armorum usus, quia tamen ab Ecclesia prohibetur contra Christianos (ut patet in capitulo artem, extra de sagit.) sub pœna excommunicationis, inter prohibita computatur. Sed quia glossatur inhibitiō hæc, & restringitur ad bellum iniustum contra Christianos, promiscuè pro nihilo haberi videtur canon iste, dum quilibet bellum suum ut iustum habet.

*Satisfactio ut pars pœnitentiæ diuersimodè consideranda.*

Satisfactio sacramentalis (quæ scilicet est tertia pars sacramenti pœnitentiæ, quum distinguitur in tres partes, scilicet constitutionem, confessionem, & satisfactionem) quæ vulgariter vocatur pœnitentia iniuncta à confessore, consideranda est primo, à confessore si imponenda est, & quæ, quanta, qualis & quâdo. Regulariter siquidem in omni confessione sacramentali imponenda est satisfactio aliqua: ut sacramentum pœnitentiæ omnes materiales suas partes habeat. Dico autem regulariter: quoniam in tribus casibus omitti potest: Primus est, si constaret pœnitentem satisfecisse integrè: nam tunc nulla satisfactio